

տասնյոթ տարիների ներդրումը: Նա կանգնած է եղել այդ հաղթանակների ա-
կունքներում, եռանդ ու աշխատանք չի խնայել դրանց հաջողության համար:
Իսկ երախտապարտ հայ ժողովուրդը և փառապանծ կոմունիստական կուսակ-
ցությունը հարգանքի տուրք են տալիս լենինյան մեծ գործին նվիրված իր
զավակին:

Մ. Պ. ԱՂԱՅԱՆ,

ԳԻՏԱԿԱՆ ԼՐԱՏՈՒ

ՄԻՋԱԶԳԱՅԻՆ ԱԳՐԱՐԱՅԻՆ ՍԵՄԻՆԱՐ

Ասիայի և Աֆրիկայի երկրների համերաշ-
խության Սովետական կոմիտեի և ՍՍՀՄ ԳԱ
նախաձեռնությամբ 1971 թ. օգոստոսի 23—25
Ֆրանկոնում կայացավ միջազգային սեմինար
«Ազրարային վերափոխումները Միջին Ասիայի
և Ղազախստանի հանրապետություններում և
նրանց նշանակությունը ազատագրված երկրների
համար» թեմայով:

Սեմինարին մասնակցում էին Մոսկվայի,
Միջին Ասիայի, Ղազախստանի, Հայաստանի և
սովետական մյուս հանրապետությունների տաս-
նյակ գիտնականներ, ինչպես նաև սոցիալիս-
տական որոշ երկրների և Ասիայի, Աֆրիկայի
ու լատինական Ամերիկայի երկրների մի խումբ
ներկայացուցիչներ:

Քննարկվեցին այն հարցերը, թե ինչպիսի
պայմաններում և ինչպես են իրագործվել սո-
ցիալիստական ազրարային վերափոխումները, և
ինչպիսի բարձր նվաճումներ են ձեռք բերվել
Միջին Ասիայի և Ղազախստանի հանրապետու-
թյուններում, գյուղատնտեսության բնագավա-
ռում:

Պլենար նիստում սովետական Արևելքի
հանրապետությունները որպես լենինյան ուս-
մունքի կենդանի մարմնացում թեմայով
զեկուցմամբ հանդես եկավ Կիրգիզիայի կոմ-
կուարի Կենտկոմի առաջին քարտուղար Տ. Ու.
Ուսուրալինը: Սեմինարի նիստերում հանգամա-

նորեն քննարկվեցին հիմնական զեկուցումից
բխող հետևյալ երեք հանգուցային հարցերը:

1 Ազրարային վերափոխումների սոցիալ-
տնտեսական նախադրյալները և պատմական
պայմանները: 2 Գաղութատիրության և ֆեոդա-
լիզմի մնացորդների վերացումը հողատիրության
մեջ: 3 Ազրարային վերափոխումների սոցիալ-
տնտեսական արդյունքները: Գյուղատնտեսական
արտադրության վերելքի ուղիները և մեթոդնե-
րը:

Հետաքրքիր զեկուցումներով և հաղորդում-
ներով հանդես եկան Ասիայի, Աֆրիկայի և
լատինական Ամերիկայի երկրների գիտնական-
ները և ազրարային ուսումնասիրի պրակտիկ գոր-
ծիչները:

Սեմինարում լսվեց և քննարկվեց ավելի
քան 80 զեկուցում և հաղորդում: Սեմինարում
Սովետական Հայաստանի ազրարային վերափո-
խումների հարցերի վերաբերյալ զեկուցումնե-
րով հանդես եկան ՀՍՀՄ ԳԱ պատմության ինս-
տիտուտի ավագ գիտական աշխատակիցներ
Վ. Ն. Ղազախեցյանը և Գ. Մ. Գեղամյանը:

Սովետական Արևելքի ազրարային վերա-
փոխումների փորձը, որի մասին մանրամասն
խոսվեց Ֆրանկոնի միջազգային սեմինարում,
կարևոր նշանակություն ունի Ասիայի, Աֆրիկա-
յի և լատինական Ամերիկայի գաղութային
լուծը թոթափած երկրների համար: